



第一房第九派宗表

北遷十世

十一世

派祖諱明元

兄一永敏
外男

保碩一男

字

生卒失傳

官北陵參奉

肅宗丁巳九月

英祖己巳受賈墓野起德亥至

受賈嘉善墓通政

忌三月原有表石

金洞亥生

北京圖書館編

古面

乙下密陽人原

十二世

系重華男

字

肅宗壬戌生

英祖丙辰生

忌三月日墓野起德亥至

原

十三世

一宗興男

字

英祖丙辰生

忌七月十日墓野起德亥至

原

十四世

一東柱男

字

英祖戊子生

忌七月十日墓野起德亥至

原

十五世

男應斗

男

二希斗男

三區斗男

見

北京圖書館藏

家譜叢刊民族卷

第84冊

北京圖書館出版社

南野起德亥至

男東杓

婿朴宗允

一、北遷十世

一

序

蓋自書契以來生靈之厄屢矣能於其間不絕不熄氣受刑傳以有此身豈偶然哉余故曰凡今日冠章甫衣縫掖而列於人類者大抵皆聖神明之胄也特以典籍殘缺文獻無徵人不知其來處貿貿焉無以自別於凡物故史氏贊堯克明俊德一言足矣而繼之以以親九族中庸九經親親居尊賢之次子程子亦謂管攝天下人心收宗族厚風俗使人不忘本須明譜系者良由是也夫一人之身爲十百千人之多一世之近爲十世百世之遠自其族次言之雖有親疏以祖先視之則均是子孫子孫而不知其本同宗而同於路人則人心安得以管攝風俗安得以歸厚乎惟我順興之安肇自高麗順興君諱子美而君之曾孫文成公晦軒先生諱裕倡明道學配食聖廡上下四五百年之間名位也文學也德行也師友淵源也磊落相望蔚爲東方顯閥豈不盛且踴哉至若北派則以國初禮曹正郎公諱乙貴爲入北始基之祖卽先生之六世孫也一自落北以後降

同編戶僅守文業而擢司馬通仕籍者盖有幾人烏可無詩人所謂南枝向暖北枝寒之歎乎雖然尙論其源流來歷則班々可考而無闕焉實莫非祖先庥蔭之所及也茲者宗老始興氏方修派譜事謀及於數郡宗黨使道哲屬余一言以相役余雖老病杜門朝暮待盡然於此役安敢辭之猥有一說焉盖有氏斯有族有族斯有譜譜者將以序昭穆於派系以推及其所自出也顧世代之久近而詳畧不同文獻之斷續而眞贋相混是以史多闕文朝無百年古訓尙然況在僻壤遐陬門地單寒重之以飢饉流離兵燹蕩析而不徵其源委去處亦修譜家之通患可不慎重歟今吾正郎公之宗布在南北四五郡而雖不能世守舊物然其爲東方儒宗之苗裔則是較然矣由是言之此時此役庶可爲承先牖後之一段肯綮而異日之振刷作興敷榮暢達又安知不自斯譜中出乎惟願吾宗諸君子自茲以往益加勉勵各親其親各長其長爲父兄者樂善守禮以率其家爲子弟者種學績文以立其本期之百年永久勿替是所大望焉若其條

例創沿編次簡煩自有宗議之素定無庸架云爾

昭和十五年庚辰二月

日 後孫世哲謹序

跋

蓋嘗聞有姓必有譜々者欲其明昭穆序宗支以管攝天下人心也譜之義顧不重且大歟惟我順興安氏之譜始於神虎衛上護軍封順興君諱子美名公碩輔項背相望三傳而有諱裕太學士謚文成號晦軒歷累世祖諱乙貴以禮曹正郎入居吉州子姓蕃衍跨州連境世濟其美是豈非靈芝有根醴泉有源者乎往在戊午十三道大同譜時博采南北究閱系乘其世系之辨綱條之分燦然備俱然惟關北地遠期迫僉謀未均采單不廣漏落者十常八九則豈可無騷梅之歎乎庸是之慨去九月齋宮洞歲享時宗諸老氏議修派譜則四郡諸宗一口老諸賜言曰此則入北以後未遑之盛舉也實用其心則何力不合何事不成立爲文遍告僉意欣然從之蓋天理人事之興廢有數存焉而然歟抑亦上祖之靈默佑之而然歟

卽設譜所祀定任員左右分掌未閱月譜單雪紛雲集及其會通也失系者整理焉見漏者陞補焉訛誤者改正焉使同志數人始開校讐之役編成五弓昭穆之序如貫珠宗支之分若指掌各自家有而戶藏晨夕展覽則千宗萬族如同居一室也凡我同譜者追念先德承襲不墜禮以相親恩以相愛則厚風俗敦宗族之道實有光於吾宗亦有補於民彝世教也云

昭和十五年庚辰二月

日 後孫 相殷 謹跋

壁上三韓三重大匡都僉議中贊修文殿太學士謚文成公晦軒先生

言行錄

後學 東陽尉 申翊聖

順興之安遠有代序至高麗晦軒先生以儒術大鳴於世推爲東方理學之祖配食 孔廡專祀鄉邦其裔孫應昌譜其世而收其族以先生之德之功可以庇宗壽後爰撫其遺事而冠其籍屬筆於翊聖辭不獲則撫家牒參以國乘採諸家之說書其大者竊取述而不作之義俾後之考信焉謹按先生諱珙初諱裕避本朝 顯廟御諱復以裕行賢科釋褐事元宗補校書郎遷翰林院陷于三別抄之亂以計脫免王嘉獎之自是歷敎中外奉使西方尋轉監察御史俱著廉直稱忠烈元年出倅尙州捕治妖巫之挾惑衆者一方稱之自密直司使出鎮合浦軍民安之忠宣卽位拜參知機務集賢殿學士尹鷄林及忠烈復位從忠宣入元一日元主令丞相傳旨汝王何不近公主先生曰閭閻內非外臣所知亦非所宜問元主曰此人知大體者庸可以遠人視之耶以贊成事入相府謂宰相之職莫

先於教育人才今養賢庫儲殫竭無以廩士宜令大小官僚各輸銀幣有
差子母取息以贍學錢兩府以聞王出內帑錢穀以助之密直高世自以
武弁不肯捐錢先生喻以教條世竟感悟納錢又以餘貲付博士金文鼎
等購先聖若七十二子遺像併購祭器樂器六經諸子史于中國且薦
密直副使李_彥典法判書李瑱爲經史教授都監使於是願學之士雲集
蔚有菁莪之化其後益齋圃隱之學皆源於此矣先生爲人莊重安詳動
遵禮法以興學養士爲己任嘗憂學校政衰慨然有詩曰香燈處々皆祈
佛肅管家家盡事神獨有數間夫子廟滿庭春草寂無人納其土田臧獲
供給學舍學徒繁衍泮中至今賴之其爲教必先以孝悌忠信精思力踐
以至高明正大之域階級不紊本末備具訓迪諸生寬而有制人有過輒
諄諄譬曉改之乃己士以此益化服焉德譽日隆達于元朝宣授征東行
中書省員外郎尋加海東儒學提舉以褒之其在相府能謀善斷且有識
鑑辨拔尤多文章清勁可觀不以是自名焉晚年常掛晦菴眞晦軒之號

所以寓慕也蓄古琴一張遇士之可教者輒令操之以都僉議中贊致仕
忠烈三十二年丙午九月十二日易責春秋六十四諡法道德博聞曰文
安民立政曰成及葬七管十二徒諸生皆素服 王命寫置 文廟中
忠肅王六年己未從祀東廡本朝 太宗大王下教安某子孫世世錄用
東西班雖孽永勿屬軍役以報乃祖之功周慎齋世鵬守豐基卽先生講
學之地荆書院退溪先生增定學式請賜額紹修命太學士申光漢爲記
并錫田民以優之噫吾東方被箕疇父師之教號稱小中華而箕氏德衰
逆滿阻命三國鬪爭區域自別羅麗之際竺教大行雖有豪傑之士胥淪
於異端晦盲否塞殆數千年矣先生生於衰季能尋墜緒一洗舊染其推
爲東方理學之祖者非溢辭也易世之後褒典益加支庶永賴可見 列
聖右文之至意於乎盛哉其世系履歷有碑有譜竝不敢贅焉

癸未蜡日

眞像贊

後學安東

金

尙

憲

恭惟先生稟山川之清淑傳家世之德義當麗政蔑教之日倡衛道興學

之議率勵頽俗振揚儒風庠序煥然衿紳改容當此之時有以摛藻修文
贊謨猷者鳴弓撫劍鎮疆圉者鼓吻抵掌解紛亂者犯顏批鱗職拾補者
是皆一時之事豈若先生斯文百世之功也哉升之 聖廡報禮攸崇典
刑杏往丹青在堂我辭有徵厥聲隆々

墓碣銘

後學德殷

宋 炳 華

晦軒先生元初麗季時人也其墓在長湍之大德山負子原實忠烈王所
賜之地而及我朝 列聖或封或祀至今六百餘年凡有血氣者莫不山
仰而興慕焉則雖無麗牲之文亦可也惟先生後孫諸公自經倉桑非惟
益懼其陵谷之變且欲以先生狀德更謀顯刻而喚醒一世人之心目以
壽斯文後學德殷宋炳華敢爲之序而銘其序曰嗚呼自天尾旅奎文運
不明自謂儒者亦不過言語文字之是尙而昧華夷之大限醉佛氏之糟
粕使堯舜舊疆陷爲夷狄檀箕遺黎淪爲禽獸而其禍極矣然純陰之中
亦不爲無陽剝盡於上則復生於下此理之常也時則中州有仁山金氏

海東有先生獨以孔朱正道整頓天地而終啓我大明朝鮮一治之盛以復堯舜檀箕之舊雖其相去萬里初不相識而出處隱顯又隨地而或異其道也同故其功亦相埒俱不在禹下矣然仁山則居關閩不遠之地又私淑於北山魯齋之門而有聞焉若先生則生於海外偏方不由師傅而獨倡正學如一髮之引千斤而能洗千百餘年三韓之陋其事視仁山尤如難矣此其所以爲東方理學之祖也歟於戲盛哉先生諱裕後改珣避我顯廟御諱以元諱稱如濂溪之改名焉安氏世爲順興人考諱孚祖諱永儒曾祖諱子美俱贈顯官以先生貴也妣剛州禹氏禮賓丞同正成允之女先生以癸卯生于興州之鶴橋第自幼端重寡言笑稍長好性理之學文章亦夙就庚申登第考官柳璈見其文歎曰他日必成大儒補校書郎遷直翰林院乙亥以監察御史出守尙州治妖巫之挾神惑衆者一方稱之己丑從忠宣王如元時朱子書新行燕都先生始得見之潛心獨好知其爲孔孟正脉遂手錄其書又寫其眞像而歸甲午以同知密直司

事除東南道兵馬使出鎮合浦撫軍恤民州郡以寧丁酉僉議叅理世子貳保先生以儒學歷試內外尤斥異端聲稱赫然嘗題學宮詩有處々祈佛家家祀神而獨夫子廟庭草無人之歎至是築精舍于居第後奉孔朱眞像朝夕瞻謁以寓景慕仍號晦軒戊戌從忠宣王如元與學官辨論性理學官等敬歎曰此東國晦菴其見重於中國如此是行也先生有詩曰最是此時無限痛百年天下帝單于使當時懷慶臨川輩聞之其不泚顙耶噫先生之微意其亦可知也已庚子拜贊成事尋加都僉議中贊修文殿太學士致仕其在相府奏革私田省冗官獎廉吏擇守宰賑貧乏以安百姓時學校蕪廢文教墜地先生旣獻宅于朝以爲國學而納土田臧獲以供學徒又議于兩府請令朝官各出銀幣有差歸諸養賢庫以贍學田以餘貲付金文鼎等奉先聖及七十子像于中國而并購祭器樂器六經子史以還且薦李愔李瑱等爲經史教授又以文諭諸生曰聖人之道不過日用倫理爲子當孝爲臣當忠禮以制家信以交朋修己必敬立事必

誠而已彼佛者棄親出家蔑倫悖義卽一夷狄之類近因兵戈之餘學校
頽壞士不知學々者喜讀佛書崇其杳冥空寂之旨吾甚痛之吾嘗於中
國得見朱晦菴著述發明聖人之道攘斥禪佛之學功足以配仲尼欲學
仲尼之道莫如先學晦菴於是禁內學館內侍三都監五庫願學之士及
七管十二徒諸生橫經受業者動以千數而朱子之學始行於東方矣癸
卯復拜贊成事甲辰以都僉議中贊致仕丙午九月十二日卒贈諡文成
道德博聞曰文安民立政曰成忠肅王戊午命圖形 文廟明年從祀東
廡我朝 中廟時慎齋周文敏公世鵬守豐基卽先生講學之地創書院
退溪李文純公滉增定學式又依白鹿故事請賜額紹修此實我東書院
之始也嗚呼先生之有功斯文凡我環東土數千里雖愚夫愚婦亦皆知
其受罔極之恩矣固不待贅說而惟其遺集圖隱諸賢嘗請刊定而後皆
逸其立言垂訓猶有未得盡詳者故論者徃々以此爲恨然先生旣篤好
朱子書得居敬存誠之要旨而其志也伊尹其學也顏淵是以其入乎耳

存乎而蘊之爲德行發之爲事業者如此其盛則彼以文辭之陋欲觀先生者其亦淺之爲知也噫萬世道統之傳其見於經者不過人心惟危以下十六字則今欲知先生之道觀於諭諸生文一篇亦已足矣又何必多乎哉其興復於舉天下腥膻之中而終致汛掃平一之功賢於仁山遠矣其開創於海東則又有似於濂溪之於宋也夫先生元配漢南金氏右司諫祿延之女墓從衛人禮後配瑞原廉氏禮賓卿守藏其考也墓失傳今設壇先生塋右金氏生一男五女男卽于器贊成事文順公女壻知開城府事文瑱判典客寺事許綏通文署錄事朴璿直史官韓守延贊成事貞景公金士元後孫甚蕃不能盡記銘曰嗚呼中州若無仁山孔朱之徒莫宣海東若無先生孔朱之學孰傳盍觀羅麗千百餘年殷師遺教寂無聞焉允矣先生海東夫子廓掃鬼佛興創聖軌雷破頑陰月照寒水大德之原衣履妥是金安可掘漢宜乎祀矧茲大道昭焉日星嗟我八方曷不提醒

神道碑銘

後學大司成 金世濂

以學問道德從祀 文宣王廟庭上自國庠下至八路三百州縣莫不尊敬而俎豆之者獨有薛弘儒崔文昌安文成公鄭圃隱本朝五先生而若其倡學之功實自安文成公始王氏之興士未知學崔文憲設九齋導後生世稱海東夫子其於務本抑邪之實則未之聞也降及季葉滅裂陵夷學校頽廢無有振迪導率之方士之學者率皆逃於釋氏先生倡明正道斥詆異教慨然以興學育才爲己任篤學力踐模範一世誨人有序必先以孝悌忠信性理之學於是始行一洗三韓舊染天理之晦而復明文風之熄而再作其誰之力也若先生者誠可謂東方道學之祖有非薛弘儒崔文昌所能雁行而史臣乃曰先生之從祀以置贍學錢何其陋也先生諱珣初諱裕至本 朝避 顯廟御諱以初名行密直副使版圖判書致仕贈太師門下侍中孚之子祖永儒贈樞密院副使曾祖子美保勝別將贈神虎衛上護軍世爲順興人太師娶禮賓丞同正禹成允女生先生登

第元宗朝歷敷中外官至門下侍中致仕卒年六十四贈諡文成公初置
贍學錢也卿大夫出銀幣有差密直高世自以武弁獨不肯先生曰夫子
之道垂憲萬世臣忠於君子孝於父弟恭於兄是誰教也若曰我武人何
必出錢以養爾生徒是無孔子也其可乎世聞之慚屈先生出私財修黌
舍又納土田臧獲以供學徒購畫 先聖七十二子像于中國并求祭器
樂器六經諸子史以來且請置經史教授都監使以誨後學於是禁內學
館內侍三都監五庫願學之士以至七管十二徒諸生橫經受業者動以
數百計元主特授征東省員外郎海東儒學提舉以褒之雖謝事家居至
於興學育才未嘗不倦々先生少好學研究義理克治既嚴表裡一致莊
重和溫人皆畏敬及晚年造詣益深推尊晦菴以爲功足以配仲尼欲學
仲尼莫如先學晦菴常掛遺像以致景慕遂自號晦軒其樂道力學如此
至葬七管十二徒諸生莫不素服路祭忠肅王命寫眞置 文廟特令從
祀及至我 獻廟以先生爲有功斯文命其後於軍籍無所與 明廟朝

豐基郡守周慎齋世鵬卽先生讀書之地爲創書院及退溪李先生位郡
上書方伯以聞于 朝賜額紹修仍 命太學士申光漢記之又 賜經
籍以示敦崇卽東國書院之始也先生先娶右司諫金祿延女后娶禮賓
卿廉守藏女生一子五女子曰于器贊成事順平君文順公文順生政堂
文學順興君文淑公牧文淑生政堂文學順城君文惠公元崇文惠生刑
曹典書景質公瑗奕葉冠冕至今不絕爲世大族先生墓在長湍府松林
縣大德山北子坐午向之原墓前舊有碣殘泐不可讀順陽君夢尹卽先
生十三代孫也恐久而湮沒莫識與其子應昌及十代孫左通禮墩十二
代孫典籍瑱十三代孫察訪斗元諸宗人攻石封植後學聞風者莫不樂
爲之助遂以麗牲之刻屬世濂世濂頓首曰小子何敢焉卽先生之學門
道德赫々若列星之麗太空庭享百世直與 文宣王之教相終始何用
文爲遂畧序其梗槩如右若先生立朝事業有信史存銘曰昔在麗代異
教是崇不有先覺孰開群蒙允矣先生服膺晦翁教爲己任學主敬忠橫